

# Starfsáætlun 2017-2018

## Hraunborg



## Um leikskólann

Starfsáætlun þessi gildir fyrir leikskólann Hraunborg. Skólastjóri á komandi starfsári er Bára Tómasdóttir. Skólaárið 2017 til 2018 er 11. starfsár leikskólans undir stjórn Hjallastefnunnar en leikskólinn er rekinn af Hjallastefnunni ehf. samkvæmt þjónustusamningi við Borgarbyggð.

Starfsáætlun þessi tekur gildi þann 9.ágúst.2017 og er skilað til Hjallastefnunnar ehf. og Borgarbyggðar.

## Tölulegar upplýsingar - börn

Fjöldi barna er áætlaður um það bil 28, 14 stúlkur og 14 drengir. Dvalarstundir og fjöldi barna eru ekki enn endanlega fastsettar en að svo stöddu eru flest börnin í 8 tíma vistun. Í haust halda áfram hjá okkur 20.börn og reiknum við með að um það bil 8 ný byrji hjá okkur.

Fjöldi þeirra barna sem fyrirsjáanlegt að njóti sérkennslu eru 4 börn. Auk nokkra barna sem þurfa almenna málörvun.

## Starfsmannamál

Starfsmenn leikskólans Hraunborgar næsta skólaár verða 8 talsins í 8 stöðugildum. Þetta getur þó breyst þegar vistunartími barnanna er endanlega staðfestur og þörfin fyrir sérkennslu hefur endanlega verið metin. Hjallastefnan stendur fyrir öflugum samstarfi alla Hjallastefnuskóla um starfsþróun og símenntun starfsfólks en að auki gefst starfsfólki kostur á að sækja sér menntun og starfsþekkingu úr öðrum áttum og hvetur leikskólinn Hraunborg starfsfólk sitt eindregið til þess. Um starfsþróun og símenntun má nánar lesa í símenntunaráætlun leikskólans.

## Faglegar áherslur

Leikskólinn Hraunborg starfar eftir hugmyndafræði Hjallastefnunnar. Hugmyndafræðin byggir í stórum dráttum á hugsjónum um jafnrétti og velferð og henni er lýst í skólanámskrá

leikskólans, í bókinni „Æfingin skapar meistarann“ eftir Margréti Pálu Ólafsdóttur höfund stefnunnar, í ýmsum ritum útgefnum af Hjallastefnunni ehf. og á fræðsluvef félagsins.

Leikskólinn starfar að sjálfstöðu einnig á grundvelli Aðalnámskrár leikskóla frá árinu 2011 og er útfærslum á markmiðum hennar lýst í skólanámskrá leikskólans.

Auk Hjallastefnunnar og lögbundinna áherslupátta í Aðalnámskrá leikskóla á leikskólinn Hraunborg sér sínar sérstöku áherslur: Enska, jóga, leikskóli á grænni grein og vináttuverkefni (námsefni á vegum Barnaheilla).

Nánari útfærslu á fagstarfi, hugmyndafræði, markmiðum og leiðum má sjá í skólanámskrá Hraunborgar.

## **Mat og umbætur**

Leikskólinn Hraunborg stendur á hverju ári fyrir umfangsmiklu innra mati sem að nokkru er hluti af reglubundnu innra eftirliti Hjallastefnunnar ehf. s.s. spurningakönnun fyrir foreldra, spurningakönnun fyrir starfsfólk, athugun á lögbundnum gögnum skólans og rekstrarskoðun útisvæðis, en að nokkru er innra matið einungis á vegum leikskólans og er notað innan veggja hans, s.s. gátlistar fyrir foreldraviðtöl, skráning í vali og gæðamat á vali og valsvæðum. Einnig úrvinnsla úr hópatímaskráningu. Reglulegir fundir eru með fræðslustjóra Borgarbyggðar, Önnu Magneu. Á grundvelli niðurstaðna úr innra mati hvers skólaárs vinnur leikskólinn umbótaáætlun. Ítarlega útlistun á innra mati leikskólans og umbótaáætlun má finna í skýrslu hans um innra mat.

Ytra mat á skólastarfinu er í höndum sveitarfélags og Menningar- og menntamálaráðuneytis. Borgarbyggð gerir öðru hverju könnun meðal foreldra á gæðum þeirrar þjónustu sem leikskólinn veitir. Heilbrigðisyfirvöld kanna aðstæður í leikskólanum reglulega og útisvæðið er aðalskoðað af faggildum aðila árlega.

## Samstarf við grenndarsamfélag

Leikskólinn Hraunborg leggur sig fram um góð samskipti við grenndarsamfélagið. Hraunborg hefur tekið þátt í hátíðum á Háskólasvæði á haustin og vorin og einnig fara 5 ára börn í skipulagðar heimsóknir í Varmalandsskóla.

## Samstarf við fjölskyldur

Leikskólar Hjallastefnunnar setja samstarf við foreldra og fjölskyldur leikskólabarnanna í öndvegi. Leikskólinn Hraunborg stendur reglulega fyrir atburðum sem efla samstarf leikskólans og heimilisins auk þess sem óreglulegum uppákomum sem tengja fjölskyldur við leikskólann er fagnað. Á komandi skólaári eru fyrirhugað að halda foreldrakynningu í september, og fjölskyldumorgna annan hvern mánuð. Síðan er foreldrum boðið á sumarhátíð 22.júní.

Foreldraráð þriggja foreldra er starfandi við skólann og er hluti af stjórnkerfi leikskólans. Í foreldraráðið er kosið í september ár hvert á opnum foreldrafundi. Foreldraráð fundar að minnsta kosti tvisvar á starfsárinu og gefur umsögn um starfáætlun og skóladagatal svo og skólanámskrá leikskólans.

Foreldrafélag er einnig starfandi í tengslum við skólann og stendur það fyrir margvíslegum uppákomum sem gleðja börnin s.s. vorhátíð, leikritum og fleiru.

Upplýsingar um dagsetningar helstu viðburða í foreldrasamstarfi er að finna í meðfylgjandi skóladagatali.

## Skóladagatal

Meðfylgjandi er skóladagatal fyrir skólaárið en það tekur einhverjum breytingum sem eru uppfærðar jafn óðum á vefútgáfu skóladagatalsins á Hjallavefnum: <http://hraunborg.hjalli.is/>